



Broj: 1455/26

Datum: 31.7.2026. godine

Na osnovu člana 62., 63., 64. i 65. Zakona o odgoju i obrazovanju u osnovnoj i srednjoj školi u Kantonu Sarajevo (“Službene novine Kantona Sarajevo”, broj: 27/24) i člana 3. i 4. Pravilnika o uvjetima za upis učenika u prvi razred osnovne škole (“Službene novine Kantona Sarajevo”, broj: 19/25), Javna ustanova “Sedma osnovna škola” Ilidža, objavljuje:

JAVNI POZIV ZA UPIS UČENIKA U PRVI RAZRED OSNOVNE ŠKOLE ZA ŠKOLSKU 2026/2027. GODINU (AUGUSTOVSKI UPISNI ROK)

1. UPISNI ROK

Upis učenika u I (prvi) razred osnovne škole vršit će se u mjesecu **AUGUSTU**, u periodu od **20.8.2026. do 31.8.2026.** godine.

2. ŠKOLSKI OBVEZNICI

U prvi razred školske 2026/2027. godine će se upisati djeca koja do 01.3.2026. godine imaju navršених 5 i po godina života.

Školskim obveznikom redovne osnovne škole smatra se dijete koje do 01.3.2026. godine navrší pet i po godina života.

Škola može omogućiti upis u školu djetetu koje je mlađe od utvrđene starosne dobi predviđene za početak obaveznog odgoja i obrazovanja, uz pismeni zahtjev roditelja/staratelja i ako škola nakon što razmotri preporuke komisije za upis učenika u prvi razred, da mišljenje da je to u najboljem interesu djeteta.

Upis djeteta u osnovnu školu koje je mlađe od utvrđene starosne dobi može se izvršiti samo ako dijete do kraja kalendarske godine puni šest godina života. Izuzetno, uz stručno mišljenje komisije koju imenuje Ministarstvo može se izvršiti upis djeteta koje šest godina života puni poslije kraja kalendarske godine.

Na osnovu mišljenja komisije za upis učenika u prvi razred, školski obveznik može se privremeno osloboditi upisa u redovnu školu, najdalje do navršених sedam godina života, o čemu direktor škole donosi posebnu Odluku.

Upis djeteta u prvi razred osnovne škole ne može se odgoditi ukoliko će dijete u toku školske godine napuniti sedam godina života.

3. ŠKOLSKO PODRUČJE

Školsko područje Javne ustanove “Sedma osnovna škola” Ilidža obuhvata sljedeće ulice:

Blažuj, Gornje Vlakovo, Grabovine, Kamenolom, Kovačevac, Mali Kiseljak, Mitrići, Mratnjevače, Nadosjek, Plantaže, Polje, Rakovička cesta, Remze Ahmetovića, Rogačići, Stara pruga, Vidovci, Vlakovo, Zeleni Ariš, Zujevinska.

Napomena: U skladu sa članom 62. stav 7. Zakona o odgoju i obrazovanju u osnovnoj i srednjoj školi u Kantonu Sarajevo u školu se može upisati i učenik koji ima prebivalište na području druge općine/školskog područja na teritoriji Kantona, odnosno na teritoriji BiH, samo uz prethodnu saglasnost Ministarstva, pri čemu prednost upisa imaju učenici koji pripadaju školskom području škole.



4. DOKUMENTACIJA ZA UPIS

Roditelji kod prijavljivanja djeteta za upis u školu dostavljaju slijedeću dokumentaciju za dijete:

1. Izvod iz matične knjige rođenih original ili ovjerena kopija,
2. Ljekarsko uvjerenje o psihofizičkom stanju djeteta za upis u školu i zdravstvenom statusu s opisom poteškoća (Dom zdravlja gdje dijete ima otvoren karton),
3. Uvjerenje da je dijete pohađalo obavezni predškolski program za djecu u godini pred polazak u školu koje izdaje predškolska ustanova,
4. Prijava za upis djeteta u prvi razred osnovne škole izdata od predškolske ustanove,
5. CIPS prijava boravka djeteta kao dokaz o pripadnosti školskom području.

Napomena: Obrazac Uvjerenja o pohađanju obaveznog predškolskog programa za djecu u godini pred polazak u školu i obrazac Prijave za upis djeteta u prvi razred osnovne škole za školsku 2026/2027. godinu, roditelji/staratelji će preuzimati u predškolskim ustanovama putem EMIS sistema, te istu uz ostalu zakonom propisanu dokumentaciju dostavljaju u školu.

5. TESTIRANJE DJETETA

Nakon što škola zaprimi potrebnu dokumentaciju za upis u prvi razred, roditelji/staratelji će biti blagovremeno obaviješteni o terminima testiranja.

Sve dodatne informacije možete dobiti na kontakt telefon škole 033 255 416.

Ovlaštena osoba za obavljanje poslova direktora škole

/Alisa Mujezinović, mr./

